

դուրս արեց Խփչաղներին և Խազիրներին, և մնաց այն տեղ վեց ամիս:

Նա տեսաւ քաղաքի պատերը հաւասարեցրած հողին և Նարինջ—Կալայի պատերը քար ու քանդ եղած. ուստի հրամայեց կանչել Ռումից և Իրանից 300 փորձուած վարպետներ և 100 մշակ՝ ամուր քարեր կոտրելու համար, որ երկու ամուր և ժանիքով պատեր շինեն 40 ամրոցներով՝ սկսելով Նարինջ—Կալայի պատից մինչև ծովը: Բացի այդ՝ հրամայեց շինել 14 մանր ամրոցներ Նարինջ—Կալայի և Կազիկիմիքի սարերի տարածութեան վրայ. Նուշրիվանի հրամանը կատարւեց չորս տարուամ. Շահի համար շինւեց բարձր պալատ՝ Նարինջ—Կալայի մէջ տեղում: Նուշիրվանի Դարբանտ գտնուած ժամանակը՝ նորա մօտ եկաւ Արաբիայի Զիեզէնայ էմիրի որդի Սէյֆը օգնութիւն խնդրելու Մէսրուկայ որդի Իբրահիմ շահի դէմ . . . Նուշիրվանը տուեց նրան զօրք, որով և կարողացաւ վերադարձնել իւր հայրենի ժառանգութիւնը:

Մեր մարգարէ Մահմուտը ծնւեց Նուշրվանի օրով . . . նորա ծնունդը վերագրուած են 544 թուին Յիսուսի Քրիստոսի յարութիւնից յետոյ . . . :

ՃԱ. 8. 9. «79 թուի Հէջրէթի Աբգուլ մէլիք իբն Միրվան երկրորդ Բէնիուումի խալիֆներից տիրում էր բոլոր Արաբիային և Իջամին. ուղարկեց անհաշիւ զօրք առաջնորդութեամբ իւր եղբօր Աբու Մուսալիմի Խազիրների և Դաղըստանցիների վրայ, յանձնելով նրան մեծ գումար Դարբանդում մէջիդ շինելու համար: Աբի Մուսալիմ երկու տարւայ ընթացքում շինեց քաղաքի կեդրոնում ընդարձակ մէջիդ 80 սիւնների վրայ՝ բարձր գմբէթով, որի նման մէջիդ չկար ոչ Փարսում, ոչ Ատրէշանում, ոչ Էրակում, և ոչ էլ Խորասանում:

Դարբանդից Աբու Մուսալիմը գնաց Դաղստանի բնակիչներին պատժելու աւազակութեան համար, և սրի օգնութեամբ կարողացաւ մի քանիսին դարձնել մահմետական կրօնի: 770 թուին՝ ժամանակով վնասուած Դարբանդի դրան կամարը նորոգեց Էֆրիրուզից իբն Թէխմուզ, և այդ տեսնվում է կամարի վրայի արձա նագրութիւնից: